

Izvještaj o aktivnostima Uprave policije Ministarstva unutrašnjih poslova Kantona Sarajevo za period januar - juni 2023. godine

1. Kriminalitet

1.1. Statistički pokazatelji

U periodu januar - juni 2023. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 1.898 događaja s obilježjem krivičnog djela (54 ili 2,9% više u odnosu na period januar – juni 2022. godine).

Od ukupnog broja registrovanih događaja s obilježjem krivičnog djela, 856 ili 45,1% je evidentirano po poznatom izvršiocu, a 1.042 ili 54,9% po nepoznatom izvršiocu.

Od ukupno 1.042 događaja s obilježjem krivičnog djela evidentiranih po nepoznatom izvršiocu, naknadno su rasvijetljena 444 ili 42,6% (što je za 14,5% više u odnosu na uporedni period).

OSNOVNI STATISTIČKI POKAZATELJI O DOGAĐAJIMA S OBILJEŽJEM KRIVIČNOG DJELA
U JUNU 2023/22. GODINE

mjesec	Broj događaja s obilježjem krivičnog djela			Broj naknadno rasvijetljenih događaja po NN izvršiocu		Broj evidentiranih lica			Broj lica lišenih slobode
	ukupno	od toga		ukupno	iz ranijeg perioda	ukupno	od toga		
		po poznatom izvršiocu	po NN izvršiocu				maloljetnici	povratnici	
Jan-Jun 2023.	1.898	856	1.042	444	240	1.155	31	648	482
Jan-Jun 2022.	1.844	894	950	267	215	1.086	23	636	397
usporedba	54	-38	92	177	25	69	8	12	85
	2,9%	-4,3%	9,7%	66,3%	11,6%	6,4%	34,8%	1,9%	21,4%

U prvih šest mjeseci ove godine prijavljeno je 1.155 osoba (69 više), 648 povratnika u vršenju krivičnih djela – 12 više (56,1% od ukupnog broja prijavljenih lica), 31 maloljetnik (osam više), a 482 osobe su lišene slobode (85 više).

Za događaje s obilježjem krivičnog djela, koji su evidentirani u izvještajnom periodu, prema izjavama oštećenih, nastupila je materijalna šteta u ukupnom iznosu od 3.209.016,34 KM, 61.785,00 €, 8.085,00\$ i 4.005,00£ (u periodu januar – juni prethodne godine, materijalna šteta iznosila je 3.803.274,08 KM i 60.750,00 €).

U izvještajnom periodu Uprava policije MUP Kantona Sarajevo je Kantonalnom tužilaštvu Kantona Sarajevo prosljedila na odluku putem administrativnog djelovodnika ukupno 829 obavijesti (291 manje u odnosu na isti period prethodne godine) od kojih je 57 naknadno rasvijetljeno (tri manje) i prosljeđeno tužilaštvu pod brojem iz krivičnog upisnika Uprave policije MUP-a Kantona Sarajevo, kao događaj s obilježjem krivičnog djela.

TABELARNI PREGLED DOGAĐAJA S OBIJEŽJEM KRIVIČNOG DJELA EVIDENTIRANIH U PERIODU JANUAR-JUNI 2023/22. GODINE NA PODRUČJU KANTONA SARAJEVO PREMA KRIVIČNOM ZAKONU FBiH I BiH-a

KZ FBiH-a i KZ BiH-a	JANUAR -JUNI 2023. GODINE	JANUAR -JUNI 2022. GODINE	usporedba ukupnog broja događaja s obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv ustavnog poretka Federacije	0	1	-1	---	0	0	0	---
Protiv života i tijela	80	115	-35	-30,4%	64	16	9	56,3%
Protiv slobode i prava čovjeka i građanina	111	113	-2	-1,8%	95	16	8	50%
Protiv spolne slobode i morala	15	7	8	114,3%	14	1	1	100%
Protiv braka, porodice i mladeži	116	121	-5	-4,1%	116	0	0	---
Protiv zdravlja ljudi	188	138	50	36,2%	188	0	0	---
Protiv privrede, poslovanja i sigurnosti platnog prometa	8	0	8	---	8	0	0	---
Protiv radnih odnosa	3	0	3	---	3	0	0	---
Protiv imovine	1.107	1.111	-4	-0,4%	165	942	404	42,9%
Protiv okoliša, poljoprivrede i prirodnih dobara	3	3	0	isto	2	1	0	0%
Protiv opće sigurnosti ljudi i imovine	61	57	4	7%	13	48	15	31,3%
Protiv sigurnosti javnog prometa	48	63	-15	-23,8%	48	0	0	---
Protiv pravosuđa	21	16	5	31,3%	12	9	2	22,2%
Protiv javnog reda i pravnog prometa	65	52	13	25%	56	9	5	55,6%
Protiv podmićivanja i krivična djela protiv službene i druge odgovorne funkcije	48	20	28	140%	48	0	0	---
Protiv čovječnosti i vrijednosti zaštićenih međunarodnim pravom (KZ BiH)	0	3	-3	---	0	0	0	---
KD korupcije i KD protiv službene i druge odgovorne funkcije (KZ BiH)	1	0	1	---	1	0	0	---
KD protiv pravosuđa (KZ BiH)	1	0	1	---	1	0	0	---
Dogovor, pripremanje, udruživanje i organizirani kriminal (KZ BiH)	8	0	8	---	8	0	0	---
ZOSNINPNSP (Zakon o sprečavanju nasilja i nedoličnog ponašanja na sportskim priredbama)	0	1	-1	---	0	0	0	---
ZONDINOIM (Zakon o nabavljanju, držanju i nošenju oružja i municije)	14	23	-9	-39,1%	14	0	0	---
UKUPNO	1.898	1.844	54	2,9%	856	1.042	444	42,6%

1.2. Pregled događaja s obilježjem krivičnog djela po oblastima

1.2.1. Protiv života i tijela

U periodu januar - juni 2023. godine evidentirano je 80 događaja s obilježjem krivičnog djela iz oblasti protiv života i tijela (35 manje), i to 64 po poznatom i 16 po nepoznatom izvršiocu. Evidentiran je:

- ubistvo (član 166. KZ FBiH) – jedan događaj (dva manje),
- ubistvo u pokušaju (član 166. KZ FBiH u vezi sa članom 28) – dva (pet manje);
- teška tjelesna ozljeda (član 172. KZ FBiH) – 30 (jedan manje), i
- laka tjelesna ozljeda (član 173. KZ FBiH) – 47 (26 manje).

Nadležnom tužilaštvu podneseni su službeni izvještaji protiv 73 osobe, od koji je 26 povratnika u vršenju krivičnih djela (35,6%), a 17 osoba je lišeno slobode.

1.2.2. Protiv slobode i prava čovjeka i građanina

Evidentirano je 111 događaja s obilježjem krivičnog djela (dva manje) i to: ugrožavanje sigurnosti – 104, otmica i neovlašteno optičko snimanje – po tri, te povreda ravnopravnosti čovjeka i građanina – jedan događaj, za čije izvršenje je evidentirano 100 osoba, od kojih su 52 povratnika (52%), a 25 osoba je lišeno slobode.

Događaji su evidentirani na području sljedećih općina: Novi Grad – 30, Centar – 18, Stari Grad – 17, Vogošća – 10, Hadžići – osam, Ilidža, Novo Sarajevo i Ilijaš – po sedam događaja.

1.2.3. Protiv braka, porodice i mladeži

Evidentirano je 116 događaja s obilježjem krivičnog djela (pet manje) i to nasilje u porodici – 111, oduzimanje djeteta ili maloljetnika – tri, zapuštanje ili zlostavljanje djeteta ili maloljetnika i trgovina ljudima – po jedan događaj, za čije izvršenje je prijavljeno 119 osoba, od kojih su 52 povratnika (43,7%) i 76 je lišeno slobode.

1.2.4. Protiv zdravlja ljudi

Evidentirano je 188 događaja s obilježjem krivičnog djela iz oblasti protiv zdravlja ljudi (50 više) i to:

- neovlaštena proizvodnja i stavljanje u promet opojnih droga (čl. 238. KZ FBiH) – 17 (osam manje),
- posjedovanje i omogućavanje uživanja opojnih droga (čl. 239. KZ FBiH) – 170 događaja (57 više),
- teška krivična djela protiv zdravlja ljudi – jedan događaj (nije bilo u uporednom periodu).

Nadležnom tužilaštvu podneseni su službeni izvještaji protiv 186 osoba (48 više), među kojima je 117 povratnika (62,9%) i 108 osoba (46 više) je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv 19 osoba zbog postojanja osnova sumnje da su u proteklom periodu u više navrata kupovali opojnu drogu "Marihuana" i "Amfetamin", od za sada nepoznatih osoba, na raznim lokalitetima, istu prepakivali, a zatim vršili prodaju konzumentima na području Kantona, čime su počinili krivično djelo iz člana 238. KZ FBiH-a (Neovlaštena proizvodnja i stavljanje u promet opojnih droga), a protiv 166 osoba koja su navodili druge osobe na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", „Ecstasy“ itd.) čime su počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JUNU 2023/22. GODINE

Vrsta	Jan-Jun 2023.	Jan-Jun 2022.
Marihuana (komad)	214	52
Marihuana (gram)	8.055,244	15.918,167
Heroin (komad)	10	21
Heroin (gram)	1,741	120,3
Amfetamin (komad)	95	6
Amfetamin (gram)	5.034,658	2.175,024
Kokain (gram)	19,352	9
Kokain (komad)	10	---
Ecstasy (komad)	166	102
Ecstasy (gram)	28,392	---
Speed (komada)	74	35
Speed (gram)	106,689	13,338
Cannabis – sjemenke (komad)	---	1.000
Cannabis – stabljika (komad)	3	316
pribor s ostacima droge (komad)	114	60

1.2.5. Protiv imovine

Evidentirano je 1.107 događaja s obilježjem krivičnog djela protiv imovine (165 po poznatom i 942 po nepoznatom izvršiocu) što je za četiri ili 0,4% manje u odnosu na isti mjesec prošle godine. Evidentirano je:

- teška krađa (član 287. KZ FBiH) – 477 (15 manje) – od čega 31 teška krađa na naročito opasan ili naročito drzak način (član 287. KZ FBiH stav 1. tačka b (osam manje),
- krađa (član 286. KZ FBiH) – 357 (11 više),
- razbojništvo (član 289. KZ FBiH) – 80 (10 više),
- oštećenje tuđe stvari (član 293. KZ FBiH) – 123 (21 više),
- utaja (član 290. KZ FBiH) – 23 (šest manje),
- prevara (član 294. KZ FBiH) – 16 (13 manje).

Nadležnom tužilaštvu podneseni su službeni izvještaji protiv 403 osoba, od kojih je 289 povratnika (71,7%), a 150 je lišeno slobode. Od ukupno 942 događaja evidentiranih po nepoznatom izvršiocu iz oblasti protiv imovine naknadno je rasvijetljeno 404 ili 42,9% što je za 16,5% više u odnosu na uporedni period.

Prema objektima izvršenja teških krađa, 151 je izvršena u stambene objekte (40 manje), 146 u motorna vozila (57 više), 131 u prodavnice i druge poslovne prostorije (šest manje), 29 na ulici (12 manje).

Evidentirano je **31 otuđenje motornih vozila**, od čega je 19 pronađeno i vraćeno vlasnicima. Broj otuđenih motornih vozila u odnosu na uporedni period povećan je za 11 ili 55%.

Evidentirano je 357 događaja s obilježjem krivičnog djela **krađe** (11 više) i to: na ulici – 150, u poslovnim prostorima – 100, u stambenim objektima - 46, u vozilima i na stajalištima JGS – 30 događaja, itd. odakle su otuđivani mobiteli, novčanici, prehrambeni proizvodi, bicikli, električni romobil, alati, itd.

Evidentiran je 31 događaj s obilježjem krivičnog djela **teških krađa na naročito opasan ili naročito drzak način** (osam manje), u kojima su izvršiocu upotrebom fizičke snage u 24 slučaja i verbalnom prijetnjom u sedam slučajeva, otimali mobitele i ruksake na ulici. Nadležnom tužilaštvu podneseni su službeni izvještaji protiv 11 osoba, od kojih je 10 povratnika u činjenju krivičnih djela, a pet osoba je lišeno slobode.

U prvom polugodištu je evidentirano 80 događaja s obilježjem krivičnog djela **razbojništva** (22 po poznatom i 58 po nepoznatom izvršiocu). Razbojništva su izvršena prijetnjom upotrebe vatrenog oružja - 19, prijetnjom upotrebe noža ili drugog oštrog predmeta – 40 i upotrebom fizičke snage – 21, a počinjena su u poslovnim prostorijama – 24, na ulici – 26, u sportskoj kladionici – 16, na benzinskoj pumpi – četiri, itd. Otudivani su mobiteli, novac, cigarete i nakit.

Nadležnom tužilaštvu podneseni su službeni izvještaji protiv 45 osoba, među kojima je 35 povratnika (77,8%), a 30 osoba je lišeno slobode.

1.2.6. Protiv opće sigurnosti ljudi i imovine

Evidentiran je 61 događaj (četiri više), i to: izazivanje opće opasnosti – 57, nesavjesno čuvanje pasa i drugih opasnih životinja – dva, teška krivična djela protiv opće sigurnosti ljudi i imovine i izazivanje opće opasnosti u pokušaju – po jedan događaj. Nadležnom tužilaštvu podneseni službeni izvještaji protiv 50 osoba, od kojih 12 (24%) povratnika u činjenju krivičnih djela, a pet osoba je lišeno slobode.

1.2.7. Protiv javnog reda i pravnog prometa

U ovoj oblasti evidentirano je 65 događaja s obilježjem krivičnog djela (13 više) i to: nasilničko ponašanje – 25, nedozvoljeno držanje oružja ili eksplozivnih materija – 15, napad na službenu osobu u vršenju poslova sigurnosti – 11, krivotvorenje isprave – sedam, sprečavanje službene osobe u vršenju službene radnje, ovjeravanje neistinitog sadržaja i povreda mira pokojnika – po dva, te skidanje ili

povreda službenog pečata ili znaka – jedan događaj. Nadležnom tužilaštvu podneseni su službeni izvještaji protiv 67 osoba, od kojih je 30 povratnika (44,8%), a 40 osoba je lišeno slobode.

1.2.8. Protiv podmićivanja i krivična djela protiv službene i druge odgovorne funkcije

Evidentirano je 48 događaja s obilježjem krivičnog djela (28 više), i to: zloupotreba položaja ili ovlaštenja – 30 događaja, pronevjera u službi – osam, davanje dara i drugih oblika koristi i krivotvorenje službene isprave – po tri, primanje dara i drugih oblika koristi i nesavjestan rad u službi – po dva događaja. Nadležnom tužilaštvu su podneseni službeni izvještaji protiv 34 osobe, a sedam osoba je lišeno slobode.

1.2.9. Događaji s obilježjem krivičnog djela regulisani ZONDINOIM-om

Evidentirano je 14 događaja (devet manje) regulisanih Zakonom o nabavljanju, držanju i nošenju oružja i municije Kantona Sarajevo. Nadležnim tužilaštvima podneseni su službeni izvještaji protiv 14 osoba.

1.3. Događaji s obilježjem krivičnog djela u kojima su učestvovali maloljetne osobe

U periodu januar – juni 2023. godine evidentirano je 37 događaja s obilježjem krivičnog djela, u kojima je učestvovao 31 maloljetnik (pet povratnika u vršenju krivičnih djela). U odnosu na uporedni period, broj događaja s obilježjem krivičnog djela povećan je za osam ili 27,6%, a broj maloljetnika povećan je za osam ili 34,8%.

OSNOVNI STATISTIČKI POKAZATELJI O DOGAĐAJIMA S OBILJEŽJEM KRIVIČNOG DJELA U KOJIMA SU UČESTVOVALI MALOLJETNICI
U JAN-JUN 2023/2022. GODINE

	Broj događaja s obilježjem krivičnog djela	Broj evidentiranih maloljetnika	Broj povratnika
JAN-JUN 2023.	37	31	5
JAN-JUN 2022.	29	23	8
usporedba	8 ili 27,6%	8 ili 34,8%	-3 ili 37,5%

TABELARNI PREGLED DOBNE STRUKTURE PRIJAVLJENIH MALOLJETNIH IZVRŠILACA
JAN-JUN 2023/2022. GODINE

	do 14 godina	od 14 do 16 godina	od 16 do 18 godina	ukupno
JAN-JUN 2023.	6	11	14	31
JAN-JUN 2022.	4	7	12	23
usporedba	2 ili 50%	4 ili 57,1%	2 ili 16,7%	8 ili 34,8%

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA
MALOLJETNICI – JAN-JUN 2023/2022. GODINE

Naziv krivičnog djela	Jan-Jun 2023.	Jan-Jun 2022.
Ubistvo	---	1
Teška tjelesna ozljeda	2	5
Laka tjelesna ozljeda	6	8
Ugrožavanje sigurnosti	4	---
Silovanje	1	---
Nasilje u porodici	3	1
Neovlaštena proizvodnja i stavljanje u promet opojnih droga	1	---
Posjedovanje i omogućavanje uživanja opojnih droga	1	---
Krađa	2	---
Teška krađa na naročito opasan ili naročito drzak način	2	1
Razbojništvo	8	7
Oštećenje tuđe stvari	1	1
Izazivanje opće opasnosti	3	1
Teška krivična djela protiv sigurnosti javnog prometa	1	---
Teška krivična djela protiv opće sigurnosti ljudi i imovine	---	1

Udruživanje radi činjena krivičnih djela	---	2
Nasilničko ponašanje	2	1
Ukupno	37	29

1.4. Ostala protivpravna i asocijalna ponašanja

1.4.1. Aktiviranje minsko-eksplozivnih sredstava

Na području Kantona Sarajevo evidentirano je pet događaja aktiviranja minsko-eksplozivnih sredstava (10 manje) usljed čega je nastupila materijalna šteta.

Na području Kantona Sarajevo evidentirano je 100 anonimnih dojava o postavljenoj eksplozivnoj napravi (97 manje). Nakon KDZ pregleda utvrđeno je da su dojave bile lažne. Nadležnom tužilaštvu su prijavljene četiri osobe.

1.4.2. Požari

Na području Kantona Sarajevo registrovana su 52 požara (52 manje), koji su za posljedicu imali materijalnu štetu. Prema statističkim pokazateljima, 26 požara je izazvano namjerno, devet zbog tehničkih nedostataka, četiri nehatom, dok uzroci 13 požara spadaju u kategoriju ostalih.

Požari su registrovani u:

- saobraćajnom sredstvu – 22,
- stambenom objektu - 16,
- poslovnom prostoru - šest,
- pomoćnom objektu - četiri,
- proizvodnom objektu - jednom
- ostalim objektima - tri.

Zbog izazivanje požara, nadležnom tužilaštvu je podneseno 25 službenih izvještaja: 21 iz člana 323. KZ FBiH (Izazivanje opće opasnosti) i četiri iz člana 301. KZ FBiH (Paljevina).

1.4.3. Samoubistva

Registrovana su 23 samoubistva (četiri više).

1.4.4. Ostale aktivnosti

U sklopu aktivnosti na oduzimanju nelegalno posjedovanog oružja i drugih predmeta oduzeto je devet pušaka, 25 pištolja, dvije ručne bombe, 13 noževa, četiri petarde, jedan bokser, 666 komada municije raznog kalibra.

Fizičkim licima izdato je 1.131 odobrenje za nabavku vatrenog oružja i 1.115 oružnih listova.

2. Javni red i mir

U periodu januar – juni 2023. godine u oblasti protiv javnog reda i mira evidentirano je 2.435 prekršaja (233 ili 10,6 više), za čije izvršenje je prijavljeno 2.515 osoba (192 ili 8,7% više), od čega je 605 povratnika u činjenju prekršaja (10 manje). Na prekršaje utvrđene Zakonom o prekršajima protiv javnog reda i mira odnose se 2.247 prekršaja (92,3%), a na prekršaje koji su utvrđeni Odlukom općinskih vijeća o javnom redu i miru 188 (7,7%).

Zbog učinjenih prekršaja u oblasti protiv javnog reda i mira izdata su 2.172 naloga (313 više) i podnesena su 263 zahtjeva za pokretanje prekršajnog postupka (80 manje).

Starosna struktura učinilaca prekršaja: u dobi preko 36 godina (1.021), između 26 i 35 godina (1.095), između 19 i 25 godina (392) i do 18 godina (sedam) osoba.

Prilikom narušavanja javnog reda i mira nije bilo teže povrijeđenih, dok je 39 osoba (17 manje) lakše povrijeđeno.

Najveći broj prekršaja evidentiran je u PU Centar (786 ili 32,28%), a najmanje u Jedinici za saobraćaj (58 ili 2,38%).

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA ZA JANUAR - JUNI 2023/2022.GODINA

	JAN-JUN 2023.	JAN-JUN 2022.	<i>razlika</i>
Prekršaji iz Zakona o JRiM			
Tuča	119	142	-23 ili 16,2%
Naročito drsko ponašanje	218	220	-2 ili 0,92%
Odbijanje naređenja i omalovažavanje PS	150	136	14 ili 10,29%
Neovlaštena upotreba oružja	5	1	4 ili 400%
Paljenje petardi	15	9	6 ili 66,67%
Prosjačenje	849	1.001	-152 ili 15,18%
Svađa, vika, nepristojno ponašanje	60	75	-15 ili 20%
Uživanje opojne droge na javnom mjestu	265	84	181 ili 215,48%
ostali prekršaji iz Zakona o JRiM	566	365	201 ili 55,07%
Prekršaji prema Odluci općinskog vijeća o JRiM	188	169	19 ili 11,24%
UKUPNO	2.435	2.202	233 ili 10,58%

Prema mjestu izvršenja, najveći broj prekršaja evidentiran je na ulicama, trgovima, putevima i drugim otvorenim prostorima (2.281 ili 93,7% od ukupnog broja), a znatno manje na ostalim mjestima – 78, u školama i školskim dvorištima – devet, ugostiteljskim objektima – 59, u trgovinama i zanatskim radnjama – četiri, sportskim dvoranama – tri, i u vozilima javnog gradskog prevoza – jedan.

Na području Kantona Sarajevo održana su 1.443 javna skupa (11 ili 0,8% više). Policijski službenici Uprave policije proveli su planske aktivnosti za bezbjedno održavanje javnih skupova i izvršili 335 KDZ osiguranja.

3. Saobraćaj

Na području Kantona Sarajevo u periodu januar – juni 2023. godine registrovano je 4.966 saobraćajnih nezgoda (1.792 ili 56,4% više), od čega je 4.350 s materijalnom štetom (1.784 ili 65% više) i 436 s nastradalim osobama (osam ili 1,9% više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U JUNU 2023/22. GODINE

	Jan-Jun 2023.	Jan-Jun 2022.	<i>razlika</i>
UKUPNO SAOBRAĆAJNIH NEZGODA	4.966	3.174	1.792 ili 56,4%
Saobraćajne nezgode s nastradalim osobama	436	428	8 ili 1,9%
Saobraćajne nezgode s materijalnom štetom	4.530	2.746	1.784 ili 65%
POGINULI	9	4	5 ili 125%
vozači	4	2	2 ili 100%
putnici	1	0	1
pješaci	4	2	2 ili 100%
POVRIJEĐENI	549	542	7 ili 1,3%
vozači	292	293	-1 ili 0,3%
putnici	156	150	6 ili 4%
pješaci	101	99	2 ili 2%

Saobraćajne nezgode evidentirane su na području sljedećih općina: Novi Grad – 1.324, Centar – 1.183, Novo Sarajevo - 970, Ilidža - 903, Stari Grad - 248, Ilijaš - 109, Hadžići - 100, Vogošća - 105 i Trnovo - 24.

Povećanje saobraćajnih nezgoda evidentirano je na području općina: Centar (za 666 ili 128,8%), Novi Grad (za 595 ili 81,6%), Ilidža (za 449 ili 98,9%), Novo Sarajevo (za 62 ili 6,8%), Ilijaš (za 41 ili 60,3%), Vogošća (za šest ili 6,1%) i Trnovo (za pet ili 26,3%). Smanjenje saobraćajnih nezgoda evidentirano je na području općina: Hadžići (za 25 ili 20%) i Stari Grad (za sedam ili 2,7%).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU 2023. GODINE (U NASELJU I VAN NASELJA)

	S NASTRADALIM OSOBAMA			S MATERIJALNOM ŠTETOM	UKUPNO	POSLJEDICE		
	s poginulima	s povrijeđenima				poginuli	teže povrijeđeni	lakše povrijeđeni
		teže	lakše					
u naselju	7	69	312	4.078	4.466	9	82	407
van naselja	0	1	47	452	500	0	1	59
UKUPNO	7	70	359	4.530	4.966	9	83	466

Prema kategoriji puta, saobraćajne nezgode registrovane su:

- na ulicama u naselju – 2.844,
- na lokalnim putevima – 710,
- na magistralnim putevima – 598,
- na regionalnim putevima – 235,
- na putevima koji se ubrajaju u kategoriju *ostalih* – 579.

Prema karakteristikama puta, saobraćajne nezgode registrovane su:

- na raskrsnicama u naselju – 692,
- na raskrsnicama van naselja – 138,
- na pješačkim prelazima – 134,
- na mostu – 16,
- u tunelu – sedam,
- na prelazu preko željezničke pruge – sedam,
- na podvožnjaku – dvije,
- na putevima koji se ubrajaju u karakteristike *ostalih* – 3.970.

3.1. Posljedice saobraćajnih nezgoda

U periodu januar – juni 2023. godine, u saobraćajnim nezgodama na području Kantona Sarajevo nastradalo je ukupno 558 osoba (12 ili 2,2% više), 83 teže (14 ili 20,3% više) i 466 lakše (7 ili 1,5% manje), dok je devet osoba poginulo (pet ili 125% više).

3.2. Poginule osobe u saobraćajnim nezgodama

Od devet poginulih osoba, četiri su vozača, četiri pješaka i jedan putnik.

3.3. Povrijeđene osobe u saobraćajnim nezgodama

Od ukupno 549 povrijeđenih osoba, evidentirano je: 292 vozača (28 teže i 264 lakše), 156 putnika (27 teže i 129 lakše) i 101 pješak (28 teže i 73 lakše).

Starosna struktura nastradalih osoba u saobraćajnim nezgodama:

- ispod šest godina – devet,
- od 6 do 14 godina – 20,
- od 15 do 17 godina – 11,

- od 18 do 20 godina – 42,
- od 21 do 24 godine – 65,
- od 25 do 30 godina – 103,
- od 31 do 40 godina – 97,
- od 41 do 50 godina – 97,
- od 51 do 65 godina – 67,
- 66 i više godina – 37,
- nepoznata starosna dob – 10.

Starosna struktura nastradalih vozača u saobraćajnim nezgodama:

- od 18 do 23 godine – 46,
- od 23 do 30 godina – 79,
- od 30 do 40 godina – 67,
- od 40 do 50 godina – 66,
- od 50 do 60 godina – 24,
- 60 i više godina – 13,
- nepoznata starosna dob – jedna osoba.

3.4. Uzroci saobraćajnih nezgoda

Na osnovu statističkih podataka i izvještaja o saobraćajnim nezgodama i nastradalim osobama, uzroci saobraćajnih nezgoda su:

- nepropisno izvođenje radnji u saobraćaju – 842,
- neprilagođena brzina – 574,
- nedržanje potrebnog odstojanja – 230,
- kretanje vozilom unazad na kratkom dijelu puta – 204,
- nedržanje vozila u kretanju što bliže desnoj ivici kolovoza – 55,
- negiranje prava prvenstva – 37,
- uticaj alkohola – 19,
- nezaustavljanje vozila ispred pješačkog prelaza – 18,
- nepoštivanje saobraćajnih znakova – 17,
- prolazak kroz crveno svjetlo – 15,
- obaveze vozača prema pješacima – sedam,
- nepropisno kretanje vozilom na raskrsnici – sedam,
- propuštanje održavanje puteva – četiri,
- nepropisno parkiranje – dva,
- neprilagođen brzina i nepropisno preticanje – jednom,
- odron na putu – jednom,
- neispravan pneumatik – jednom,
- mimoilaženje – jednom,
- ostavljeno zaprežno vozilo bez nadzora na putu – jednom,
- ostali uzroci – 2.930.

3.5. Aktivnosti policije iz oblasti sigurnosti saobraćaja

U periodu januar – juni 2023. godine, policijski službenici Uprave policije MUP-a Kantona Sarajevo kontrolisali su 106.888 vozila (7.308 ili 7,3% više). Zbog kršenja propisa iz oblasti sigurnosti saobraćaja uručeno je 115.989 prekršajnih naloga vozačima (20.598 ili 21,6% više), podneseno je 1.356 zahtjeva za pokretanje prekršajnog postupka (84 ili 5,8% manje), te je registrovano 48 događaja s obilježjem krivičnog djela zbog ugrožavanja sigurnosti javnog prometa (15 ili 23,8% manje).

Zbog tehničke neispravnosti iz saobraćaja je isključeno 255 vozila (50 ili 16,4% manje), 1.458 vozača je zatečeno da upravljaju vozilom pod dejstvom alkohola (237 ili 14% manje), 2.509 osoba bez korištenja sigurnosnog pojasa (325 ili 11,5% manje), 1.188 vozača bez položenog vozačkog ispita (418 ili 54,3% više), 350 vozača pod izrečenom zaštitnom mjerom (13 ili 3,8% više), 2.641 vozač je zatečen da nepropisno koristi mobitel tokom vožnje (600 ili 29,4 više) i 13.305 vozila je otkriveno da učestvuju u saobraćaju bez važeće registracije (11.768 ili 765,6% više).

Zbog neprilagođene brzine i prekoračenja dozvoljene brzine kretanja vozila, izrečene su 31.934 prekršajne sankcije vozačima, dok je za prolazak vozilom kroz raskrnicu na znak uključenog crvenog svjetla izrečeno 817 prekršajnih sankcija.

Policijski službenici Uprave policije su tokom juna organizovali akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

S tim u vezi, od višestrukih povratnika u činjenju prekršaja iz oblasti ZOOBS-a oduzeto je ukupno 16 motornih vozila.

3.6. Mirujući saobraćaj i kontrola pješaka

Policijski službenici su u periodu januar – juni 2023. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama uručeno je 51.397 prekršajnih naloga (115 više), upozoreno je 1.117 vozača (204 manje), a specijalnim vozilom “pauk” premještena su 804 vozila (82 više).

Pješacima koji su kršili propise uručeno je 1.180 prekršajnih naloga (388 više), a upozoreno je 75 pješaka (32 manje).

4. Zakonitost u radu

U periodu januar – juni 2023. godine registrovano je deset pojedinačnih napada (šest ili 150% više) na policijske službenike Uprave policije MUP-a Kantona Sarajevo. U napadima je učestvovalo deset punoljetnih osoba, pri čemu su četiri policijska službenika lakše povrijeđena.

Razmatrano je 145 predstavki na rad policijskih službenika. Odbor za žalbe javnosti Skupštine Kantona Sarajevo donio je zaključak da se za 35 predstavki (20 manje) provede unutrašnja istraga, za 99 predstavki je odlučeno da se izvrše provjere i prikupi dokumentacija, za šest da su neosnovane, dok je jedna predstavka pripojena postojećem spisu. Od 145 razmatranih predstavki, 118 su podnijeli građani, a 27 predstavljaju saznanja iz službe.

Okončano je 45 unutrašnjih istraga, od čega u 16 slučajeva nije bilo dovoljno dokaza, u 13 slučajeva istrage su neosnovane, u šest slučajeva osnovane, u pet slučajeva istraga je prekinuta, u tri slučaja stranka je odustala od žalbe, dok je u dva slučaja postupak obustavljen.

5. Rad policije u zajednici

U okviru Rada policije u zajednici, tokom izvještajnog mjeseca preduzimane su aktivnosti u cilju uspostavljanja saradnje s građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte s građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Za učenike predškolskih ustanova, osnovnih i srednjih škola na području Kantona Sarajevo, održane su brojne edukativne radionice, između ostalog: „Djeca u saobraćaju“, „Stop vršnjačkom nasilju“, „Policajac moj prijatelj“, „Prevenција maloljetničkog prijestupništva“ i „Postupanje u slučajevima anonimnih dojava o postavljenim bombama u školama – štetnosti pojave“.

Također, u okviru rada policije u zajednici tokom juna realizovane su i sljedeće aktivnosti:

- Organizovan pojačan obilazak autobuskih, tramvajskih i trolejbuskih stajališta, s ciljem prevencije izvršenja krivičnih djela i narušavanja javnog reda i mira,
- Ostvarivani kontakti s predstavnicima osnovnih i srednjih škola u Kantonu Sarajevo, s ciljem preventivnog djelovanja na različite neprihvatljive pojave u i oko školskih prostora,
- Učestvovanje na 12 multisektorskih sastanaka u cilju preveniranja neželjenih događaja i ponašanja u i oko škola,
- Vođenje evidencija za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršen obilazak i ostvarivan kontakt sa žrtvama nasilja kao i s nasilnicima, da bi osigurali poštivanje izrečenih zaštitnih mjera, veći stepen sigurnosti za žrtve, kao i preventivno djelovanje na eventualno ponavljanje nasilja,
- Ostvarivani kontakti s građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela,
- Ostvarivani kontakti sa sekretarima i članovima savjeta mjesnih zajednica, u cilju unapređenja osjećaja sigurnosti i jačanja povjerenja građana u rad policije.

6. Migranti

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima kretao se između 520, koliko ih je bilo u februaru, do 1.029 evidentiranih u junu ove godine. Evidentirano je šest događaja s obilježjem krivičnog djela (17 ili 73,9% manje), kako slijedi:

- razbojništvo (čl. 289. KZ FBiH) – četiri,
- teška krađa (čl. 287. KZ FBiH) – jedan,
- napad na službenu osobu u vršenju poslova sigurnosti – jedan.

Službenici policije kontrolisali su 67 migranata, od kojih je osam predato Službi za poslove sa strancima radi registracije i smještaja u prihvatni centar na području Kantona Sarajevo.

Sarajevo, 21.07.2023. godine

Pripremili: Odjeljenje za analitiku, planiranje i evidencije

Obradili: Odjeljenje za odnose s javnošću